

Kantonalna javna ustanova «Porodično savjetovalište», sa sjedištem u Sarajevu, ulica Bihaćka bb, koju zastupa v.d. direktorica, Mahira Poljak (u daljem tekstu: Naručilac) i

SERTIĆ d.o.o. Sarajevo, sa sjedištem u Sarajevu, ul. Kotromanića br.48, koju zastupa direktor Miralem Spahić (u daljem tekstu: Izvođač)

zaključili su u Sarajevu

UGOVOR O NABAVCI USLUGA UGRADNJE I PRIKLJUČENJA TELEFONSKE CENTRALE

Član 1.

Predmet ovog ugovora su usluge demontaže telefonske centrale u poslovnom prostoru u ulici Avdage Šahinagića 14 te vraćanje u prvobitno stanje, montaže centrale u novim poslovnim prostorijama u ul. Bihaćka bb i programiranje sistema, implementacija i aktivacija licenci za sistem Panasonic KX-NS700-KX-NS720 u prostorijama naručioca, a u skladu sa Ponudom Izvođača broj 3/2021 i 4/2021 od 05.01.2021. godine.

Član 2.

Izvođač se obavezuje da će izvršiti usluge iz Člana 1. ovog Ugovora bez odlaganja, a prema specifikaciji u okviru Ponude Izvođača broj 3/2021 i 4/2021 od 05.01.2021. godine.

Član 3.

Za pružene usluge Izvođač je dužan dostaviti fakturu Naručiocu, a isti je dužan platiti Izvođaču za pružene usluge prema cijenama naznačenim u Ponudama iz člana 1. ovog Ugovora, u roku od 30 dana od dana dostavljanja iste.

Član 4.

Procijenjena vrijednost Ugovora iznosi 1.380,00 KM bez PDV-a, odnosno 1.614,60 KM sa PDV-om.

Član 5.

Izvođač garantuje za nepromijenjenost ponuđenih cijena i za kvalitet usluge.

Naručilac će, u slučaju da pružene usluge ne odgovaraju traženom kvalitetu i potrebama obavijestiti Izvršioca i tražiti ponovno pružanje navedenih usluga, te ima pravo da, ukoliko Izvođač ne bude pružio usluge u skladu sa traženim, jednostrano raskine ovaj ugovor, bez poštivanja dogovorenog otkaznog roka.

Član 6.

Sve eventualne izmjene i dopune ovog Ugovora, ugovorne strane će vršiti pisanim putem, u vidu aneksa na ovaj Ugovor.

Svaka od ugovornih strana zadržava pravo da raskine Ugovor uz otkazni rok od 15 dana, i obavezu da pisanim putem obavijesti drugu stranu o razlozima raskida istog.

Član 7.

Eventualne sporove u vezi sa tumačenjem ili primjenom ovog Ugovora, ugovorne strane će pokušati riješiti sporazumno, u slučaju da isti ne mogu riješiti, obratit će se nadležnom sudu u Sarajevu.

Član 8.

Ugovor je sačinjen u četiri (4) istovjetna primjerka, od kojih svaka ugovorna strana zadržava po dva primjerka.

ZA IZVOĐAČA



direktor
Miralem Spahić

ZA NARUČIOCA



VD DIREKTORICA

Mahira Poljak

Broj: 01-14-3-4.5/21

Sarajevo, dana 12.02.2021. godine.